


NA PLANT VARIETY PROTECTION (PVP) LE MEFUTA YA DIMELA TSE SIRELETSENG KE ENG?

Plant Variety Protection (PVP) ke tshireletso ya semolao e fuwang mohodisi (breeder) ya utullutseng mme a hlahisa mefuta e fapaneng e metjha ya dimela. Tshireletso ena e fuwa ka ho nehelana ka tokelo ho mohodisi hore e be yena monga mofuta oo wa semela e be o tseka ho leshwa tjehele ya ho ba monga ntho (royalties) ho tswa ho mang kapa mang ya batlang ho e sebedisa. Tokelo ena ya ho hodisa e bitswa *Plant Breeder's Right (PBR)* (Tokelo ya Mohodisi wa Dimela). Mohlala, mofuta o motjha wa semela ke peo ya poone ya mofuta o itseng. Hape o tsejwa ka "mofuta o sireleditsweng" (protected variety).

PBR hape e kenyetsetsa peo efe kapa efe ya mofuta o sireleditsweng e bolokilweng ke molemi. Hona ho bolela hore balemi ha ba dumellwa ho fapanyetsana, ho arolelana kapa ho rekisa peo efe kapa efe e bolokilweng ke molemi ya mofuta o sireleditsweng ntle le ho lefa di-royalty (tjehele e leshwang moqapi wa ntho) ho mohodisi wa dimela. Ho tshwanetswe hore ho rekwe peo e foreshe bakeng sa sehla se seng le se seng sa ho lema.

Empa peo eo mohodisi a e 'utullutseng' mme a 'hlahisa' hantlentle e tswa masimong a balemi. Ka hoo di-PBR di thulana le Ditokelo tsa Balemi.



Haebe balemi ba lokela ho reka peo e foreshe bakeng sa sehla seng le se seng sa ho lema, hona ho tla ba le sephetho sa hore balemi ba se kgone ho ikemela mme ba lahlehelwe ke taolo ya bona le ho fapafapana ha dimela. Ba ke ke ba pheta ba ba bahodisi, empa basebedisi feela ba dipeo tse hlahisitsweng ke bahodisi mme ba di rekisetswa ke dikhampani tsa peo.

